欽 定 全

唐

文

and the property and a securior of	andgo firje ar dijertas,	0.000000000000000000000000000000000000			and the same of			. Det Seller Greet where
次年4. 唐文· 长三字正 目錄	前資官準聽外居勒	宣諭晉絳慈隰諸州軍民勅	宣諭徐宿二州勅	令諸道勘課耕桑勅	收塵暴骸勃	喪勅	周太祖二	欽定全唐文卷一百二十三目錄

**盛夏決滯獄勅** 贬監察御史劉項復州司戸參軍勘答實貞固進晉朝實錄勒 給還籍沒田產勅

次主在五人、表门一日野	恤刑勅	授錢宏俶天下兵馬元帥勅	諭金州屯戍兵士勅	令諸道勸課農桑勅	討慕容彥超勅	禁越訴勍 .	併三銓為一勅	撫恤沿邊流民勅	定催科賞罰勍
		1		•		•			

定皮革稅勅	更定招安戸口賞例勅	令黃知筠往兗州收埋暴骨勍	改定鹽麴條法勅	宣李穀入見勅	禁吏民舉留守牧勘	贈閻宏魯崔周度官勅	金ヶとよう。オニニニ

欽定全唐文卷百三 含幽育明哲后法之而致理掩船埋物賢主著之為令猷 備· 欽定全唐文卷一百二十三 所稱況朕久事前朝常參大政雖遷虞事夏見奪於羣情 而四海九州成知予風志宜令所司擇日為故主舉喪 漢高祖為義帝發喪魏明帝正禪凌尊號一 山陵葬禮 周 太祖二 收壓暴骸劫 為漢隱帝發喪劫 周太祖 一時達禮干 仍

官 農桑之務衣食所資一夫不耕有艱食之慮一婦不織 收丨 歎 無褐之虞今氣正陽春候當生發宜動用天之業料觀 放殿或戰陣亡身遺骸暴露於原野旅魂無託言念靈改卜之秋當五兵銷偃之際或墳坐無主幽安毀 應天下州縣管界內有墳墓被開發者無人為主本 令諸道勒曰 惟 新璿璣在御 課耕桑勅 踵 姬周之至德體虞舜之深仁 郊 野有暴骸露骨亦 發 有

幾 歲之心應諸道州府長吏宜勘課耕桑以豐儲積編民樂 朕 業仍倍撫綏 人のシーチーンでには 審之際事勢使然彼既無心豈忍加罪是以授之郡牧 忠孝之名亦繼有文字進呈止望朝廷恕舍朕念端倪未 輒 自 致理漸至平寧楊温等比事落維止為小校妄生猜懼 閉城門朕亦累賜動書開懷示信諭以安危之道俱全 **提以寡薄聲創基圖思康濟於兆民推思信於天下** 新 宣諭徐宿二州勅 而不體優恩尚敢拒命執迷罔悟但作還延今已 周太祖 庶

忠不 差兵士往彼攻取期於旦夕必易盪平汝等皆居封境之 朕 台 食廢寢夜思畫行固護邊疆訓齊師旅憂時憂國盡節 中克寧關內敢言勞苦貴保宗秘自鎮點都復當戎寄忘 中各懷仁義之節況屬陽和之候方當農養之時暫駐兵 甲固無騷擾宜思齊力安家 -於御牀之前同受顧託嗣君旣立叛亂繼與朕討平 早事劉氏共立漢朝當高祖寢疾旣危朕與揚 ライングラスニーニ 期羣小連謀被惑幼主忽於内殿併害大臣朕方 宣諭晉絳慈熙諸州軍民 閥 勅 州史宏

請朕為主逃脫無地扶擁入京內外臣僚藩岳侯伯表章 君 人民騷動一方酷虐萬姓差點丁壯率掠貨財殺戮無辜 丹内侵遂領大軍徑赴救援自澶州起程北去輜重相 謂 太后請立劉贇比候到京方議冊立便值河北告急 藩亦遭讒構密降宣命潜遣行誅諸將知此無辜乞除 至推戴盆堅勉副羣情尋登大位照臨之内罔不傾 側之惡遂與將士同赴 行旗隊總移軍情忽愛城聲動地事勢莫知攢集之矛 北京留守劉崇顯有包藏輒萌僭竊散飛文字許惑 .) 11 11 1 闕廷凶豎計窮迫害幼主朕 刮太祖

欽 界戶人勿令侵擾其邊界城池已令修戢要辨奸細切須放稅租內外軍民並與洗滌更在沿邊藩鎮明宣朕懷接是朕之生靈被此凶殘深懷軫惻即候收復城壘當議減 寧區宇拯救點黎見舉大軍往平微孽爰念河東管界皆可以詐取謂天命可以偕求顛越如斯不亡何待朕方輯 **隄防安撫生民以副朕意** 定全唐文《卷面三三 千里之内民不聊生今則又作猖狂更加暴虐謂人情 難 狀況劉崇自居藩鎮唯務貪求刻削軍都 前資官準聽外居 勅 增添 稅

朕 州 歳 或滞留所在前資並遣赴闕輦數之下多寄食僦舍之人 臨之下成遂寬舒仕宦之流自安進退往者時有拘忌人 定規必生躁競凡爾進取知朕意焉 巴下幕職州縣等官得替求官自有月限年月未滿一 府有前資朝官居住如未赴京不得發遣其行軍副 月之間動懷土念家之志宜循大體用革前規應諸道 抵膺景命奄有中區每思順物之情從眾之欲將使 如非時認徵不在此限但闕員有數入官者多的無 定 赴 任程 期 勅 周太祖 )

多定全唐文 卷百三三 官者遂失期程以至相沿漸成非次是致新官參謝欲 官人或佗事阻留或染疾淹駐始赴任者旣過月限後 及報吏部此後中書及銓司以到任 軍判司縣令主簿等宜令本州府以到任月日旋具申奏 舊官考秩未終待滿替移動逾時日凋殘一處新舊二官 迎送以為勞必公私之失緒今後應諸道州府錄事 前朝廷除官銓司選授當其用關皆稟舊規近聞所得 及報吏部其有諸色事故及丁憂弁請假十旬滿 州縣官限勅 到 仰便具先到 任月日一齊分析 月日用闕永為定 匹 日

程不上收闕使用其諸見闕亦不得差官攝權輒便隱留 多事煙塵時動生聚無聊爰當開創之初每求安靜之道 如違動條罪在本判官錄事參軍孔目官已下 沿淮州鎮朝廷比與淮南素非仇怨互分疆土各有人民 沿淮千里所宜禁暴戢兵比屋小民漸冀息肩樂土庶期 商 到本任參上致本處無憑申奏到任月日便仰吏部同違 旋具申奏兼報吏部其新受官準令式給程限外如不 旅往來比無阻滯兵師屯戍自守關防其自近朝稍 禁沿淮州縣軍鎮侵略淮南勒 同 大 正

職當參佐位列賓僚苟無職馭之人頗異築臺之禮雖事 擅入淮南地分科或違令不宜輕恕商旅行李經過輒不縣軍鎮今後自守疆土鈴轄兵士鄉軍不得縱一人一騎 欽定全唐文 卷百三 因改易而理未酌中宜降明文庶永為制副留守節度副 絕賊盜務在道途清肅人戶證寧詔到速散行管界凡津 得妄致邀難如閒滯留必行勘罪更仰指揮沿邊巡檢 歲月馴致和平凡我疆場之臣當體宵旰之念應沿淮 要口鋪可丁寧曉告 定府州從事等當直人力數勃

前朝於諸州府差散從親事官等前朝創置蓋出權宜茍 差定仍令逐處係帳收管此外如敢不遵條制多有占差 取本聽舊當直人力數少不及新定數目只仰依舊 力不得過十五人節度推官防禦團練軍事判官不得過 使行軍兩京少尹留守判官兩使判官並許差定當直 外影占人戶其本官當行朝典 人諸府少尹書記支使防禦團練副使不得過七人並 時本非舊貫近者偏詢羣議兼採封章具言前件 散諸州抽差勒 周太祖

事官並宜放散自逐田農自去年四月已前州縣元管係 釤 不得招召其諸處場院並不得影庇兩稅人戶所有河北 更況當東作之時宜罷不急之務其諸州所在差散從親 人數一切如舊其遞鋪如巴前招到者且仰仍舊今後更 差於理不甚允當一則礙州縣之色役一則妨春夏之耕 到弓箭手只且留在本州管係其餘放散 貧乏者困於供須豪富者幸於影庇旣為煩擾須至改 州及澤路晉絳慈隰解等州於先差散從親事官內選 **定全唐文**卷面三

者富庶之郡請給則優或邊遠之州俸料素薄以至遷除 州防禦使料錢二百貫禄栗百石食鹽五石馬十匹草栗分多益寡均利同恩冀無黨偏以勸勲效今重定則例諸 貫祿栗五十石食鹽五石馬五匹草栗元隨二十人衣糧 食鹽五石馬十匹草栗元隨三十人衣糧刺史料錢一百 牧守之任委遇非輕分憂之務旣同制禄之數宜等自前 之際擬議亦難旣論資序之高甲又患禄秩之升降所宜 **飲定全害文 卷** 百三三 元隨三十人衣糧團練使料錢一百五十貫禄栗七十 仍取今年五月一日後到任者依新定例支其已前在任 周太祖

水磴曾經籍沒及本主未歸者已宣下本道却給付罪 在生涯之何著興言軫憫未嘗去懷其京兆鳳翔府先因 攻討之時及收復之後應有諸色犯罪人第宅莊園店舍 知傷弊誠念質罪之黨尋以誅夷亡命之徒近皆滌蕩則食不遑風宵若厲早歲雍岐連叛兵革薦興迨至討平可 朕臨御以來憂勤無怠慮庶政之尚闕恐蒸民之未安寢 者所請如故 釋放者皆為赤子經釐革者悉是平人雖性命之永全 給還籍沒田產勅

骨肉為主仍仰逐處嚴切指揮勿令所縣裏私關怅邀求 或是衷私請託旣難阻意便授真恩遂使躁求徼倖之徒 朝廷設爵命官求賢取士或以資敘進或以科級升至有 爭遊捷徑辛苦孤寒之士盡泣窮途將期激濁揚清所宜 資金庶令存濟用副朕懷 欽定全唐文、卷百三 白首窮經方階一第半生守選始遂一官是以國無幸民 循名責實凡百有位當體朕懷今後州府不得奏薦無前 士無濫進近年州郡奏薦多無出身前官或因權勢書題 禁濫薦勅 周太祖

見禁人等宜令逐處長吏限勃到應有獄囚當面錄問事 朕肇啟不基躬臨庶政深慕泣辜之道以宏恕物之心今 官及無出身人如有奇才異行越衆超羣亦許具名以 則方屬炎蒸正當長養黃沙繁繁宜於非罪之人丹筆重 **俾之升點庶使人不謬舉野無遺才冀廣德人以資從政** 便可隨表赴闕當令有司考試朕亦自更披詳斷其否臧 枉濫真叶雍熙之化用符欽恤之情應京都諸道州府 切戒舞文之吏凡有獄訟不得淹延務令囚絕拘留 盛夏決滯獄勅

典宣特洪纖靡漏抑亦褒貶有彰將播無窮永傳不朽歎 斷疏放勿令停滯及致冤抑庶召和氣便悅羣心 次定全書文、卷一百三三 項名升通籍官列憲司凡繫所為尤宜知禁不能為子 貞固等羣書親與直筆紀言成一代之明文繼百王之盛 小者便須遣決案未成者即嚴切指揮疾速勘決據罪 重聚美頃刻不忘 而乃離局侵官宜調掾於方州便省您於終日 答寶貞固進晉朝實錄勃 貶監察御史劉項復州司戶參軍勃 周太和

典決停本判官罰七十直若係欠三分已上奏取進止係 宜 欠三分者縣令主簿罰一百直勒停錄事參軍本曹官罰 秋 4 有改更以示懲勸起今後夏秋徵賦省限滿後十分係 十直殿而選孔目官罰七十直降職次本孔目勾押官 州重行決責其本判官錄事參軍本曹官孔目勾押 三分已下者等第科斷殿罰其州縣徵 至您期前後所行條流頗甚計細殊虧大體且類空 夏徵賦素有常規苔或催督及時官吏奉法自然辨 定催科賞罰勅 《科節級》 所由 言 及

佐 苟或慢公何以食禄將勸能吏仍立賞科應諸州縣令錄 次包在每次美工了三 朕 取 官在任徵科依省限了絕者至參選日若是四選已 有安泊之地深懷愍念之心宜切撫綏庶令存濟其邊 州縣官吏等各處員僚司分寄任所徵賦稅乃是職 以治邊百姓適因災冷遂至流亡拋棄鄉園扶攜老幼 切不行 選若不及四選者則與轉官其已前所行賞罰 州都徵上比較縣令主簿即本縣都徵上比較 撫 恤沿邊流民勅 周太祖 司

岸不得阻 之際資敘難得相當況又今年選人不多宜令三銓 委三司支給候安泊定取便耕種放差 種可令新來百姓量力個時只不得虚占土田有妨别 内甚有河淤退灘之土蒿菜無主之田頗是膏腴少人 居止如是願在别管界内居住者亦聽取便所 流移人戶差使臣與所在官吏撫恤安泊其滄景德管 部公事比置三銓所有員關選人分在三處每至注 倂 滞 一鈴為一 如迎界有親識可依亦聽從便仍人給斗 一勅 稅 在關津 擬

民之無 外則 州 朝廷不經州縣宜再止絕免致踰違今後百姓凡有訴民之無怨向來百姓訴訟不得越次訴論近日繼有便 得中銓綜有序其吏部尚書銓見關宜差禮部尚書王易 飲定全唐文·卷百三 及言災冷先訴於縣縣如不治 致 理安邦必先刑政分爭辨訟各有職司内則臺省官 剕 處委本司長官通判同商量可否施行所冀論 縣曹局共承寄任同體憂勤若衆務之有條則蒸 越訴勅 周太祖 即訴於州 州治不平訴於

白紙事條 罰 兗 雇 承接 人並於 斷若所經處所斷遣不平致詣朝廷長史推司當行 察使或斷遣不當即可詣臺省如或越次訴論所司 州 節度使慕容彦超不知恩信輒怂凶狂 則結連 如有抵 討慕容彦超勅 並須為已如或容訴是挾阿私鞠得其情必以狀後書其名姓並住止處所如無人寫狀許 淮寇 犯準律科懲其訴事文狀或自手寫或是 劫掠鄰縣邀截路行差補元隨主 北則勾喚 劉 過

申奏慕容彦超徧於管内抽點鄉軍人戶不伏追差逐處 剝之苦所不忍聞朕每為含容欲全終始近據東西諸處 忠孝嗟我赤子遇此亂臣方當寒凍之時可想艱辛之狀 殺劫鎮將又懼挾讐屠害悉是逃竄山林言念衆多盡能 須行吊伐以救孤危今差侍衛步軍都指揮使曹英等統 んのシュチョア・シューシュ 者便行軍令候至城下委曹英散行指揮安無人戶兼勒 路村舍斫伐桑棗驅虜牛驢毀拆舍屋發掘墳墓如有犯 領大軍往彼問罪已指揮告報諸軍入克州界並不得下 向殘害生聚百般誅斂貨財贍養姦凶圖謀悖亂割 周太祖

慕容彦超迫虜誑惑誘引見在州城内者及有元在兗州 充職人等必是逐人各有骨肉房親在城今官中一切不 揮告報勘課農桑無失春計兼自前有克州管内人戶被 百姓令著營養如有惡黨接便為非者即就彼處斷其人 家並在兗州城内者或有莊田店宅及諸般物產如元有 問宜令州縣倍加安撫勿縱節級所繇夷私恐嚇若有全 戶不得更於堡塞團集仍勒縣鎮官員節級明具朝廷 人勾當勒一切仍舊若無人主張即委鄰人簡較看守勿 縣令依舊勾當公事仍差使臣於克州四面邊界招喚 京全唐文 卷|百二三

带牛之化更彰棲畝之謡眷倚之懷寤與斯切部到卿 欽定全唐文《卷百三 信任人妄有占據及毀拆斫伐候收復城池分付本主 行春諒倍登於多稼卿分憂事任道俗廉平樹以風聲靡 仐 知 夫作亂萬姓何辜與言疚懷傷歎無已故兹告諭各令聞 草偃必汙菜之地並作百廛游惰之民咸勤四體用洽 諸道府州吏六府允修無先重穀九扈分職厥惟勤農 則東作車與西成係望我有羣后政在養民若不解於 令諸道勘課農桑勒 周太祖 当

寒部領兵士率先入城占據本營安撫逐人骨內家口不 家口並在竟州城内屬此背違想皆憂念在朕誠意暫不 汝等屯戍邊境勞苦經時言念忠勤不忘寤寐所有汝等 帶從屠害人神憤怒須議討除朝廷已發大軍往彼攻取 弭忘已降宣命指揮曹英候收復城池日畫時選得力負 散下管内勘課鄉縣百姓依時耕種栽接桑東勿縱游情 務在精勤 昨慕容彦超結連草窓毒窓蒸民側近縣鎮鄉村無名 諭金州屯戍兵士勅

得颠有驚恐 飲定全喜文 卷百三 時登乎丹陛兵革靡及乎蒼生才足以尊主而庇民德 古之王者敬邦經野分職設官轉建殊庸懋昭大德我有 乾坤間氣海嶽孕靈為民物之綱維實朝廷之藩屏承家 昌運咨爾檢校太師守尚書令上柱國吳越國王錢宏俶 不王唐制元帥為重兹惟大任寧授非人用錫名藩永扶 重臣世膺王爵雖任一方之帥未超極品之樂漢法非劉 保國奕世羨堂構之賢治亂持危四方推英豪之主梯航 授錢宏俶天下兵馬元帥勅 周太祖 为

寄真王啟萬戶之封匪爾令名曷兼衆職爾其不墜善始 寅恭於此宵旰為勞今以節及長贏時臨暑熱耕農之戶 都督則百辟允諧使之元戎則三軍用命表海受一方之 永圖令終承我履言母恭厥位可特授天下兵馬都元帥 忠義式逾乎齊有晉悼駕楚之略而功名不忝乎晉建之 餘 朕以寡昧獲主黎元將以召天地之和每思去刑政之弊 移風而易俗肆歸建極不替忱誠有齊桓尊周之心而 如故 恤 刑 勅

**蠶麥將忙宜於獄訟之間特示憂勤之旨應有刑獄切慮** 身謀履此禍機併罹冤横宜伸贈典以慰貞魂宏會贈驍 淹延若輕罪畫時決遣其婚田爭訟務內勿治若事要定 淹滞詔至所有重輕繁囚疾速勘鞫斷遣無令冤抑慮有 泉也爾等貞節昭彰正容肅厲以從順為已任以立義作 閻宏魯崔周度死義之臣禮加二等所以滲漏澤而貴黃 奪即須疾速區分若斷遣不平許人糾告官典必議徵 大將軍周度贈秘書少監 贈 閻宏魯崔周度官勅 周太祖

昨迴批答已丁寧宣諭卿所掌至重代難其人荷濟事權 有政能觀察使審詳事狀朝廷當議獎昇百姓僧道更不 寄非輕緊然庶之慘舒布朝廷之條法若廉勤奉職撫字 金年全學文卷一百三三 及民自有政聲達於朝聽何勞民庶遠致舉留旣妨農養 時又耗路途之費所宜釐革免致勞煩今刺史縣令顯 州縣吏民緇黃繼來詣闕舉留刺史縣令牧军之任委 一切止絶 宣李穀入見勅 禁吏民舉留守牧勅

鄭 至一雨杖醫十七配役 之重立法為先貴在必行何須過當凡鹽麴犯一斤已 向外破賣立法之弊一至於斯爰自新朝尚沿舊制 甚重兼以邑居人戶隨稅請鹽旣不許將入城隍又不 承前所立鹽麴條法每犯至少盡處極刑近年以來抵 州 勞勤見朕於便殿待卿 and do new and the first manufactured 深刻須議改更庶令輕重得中兼復上下知禁國 按樣備見百姓街冤既詳斷之踰違亦條令之疑 **改定鹽麴條法勅** 年五斤已下一斤已上杖脊 周太祖 可暫入來與卿款 昨

犯若是甲幼骨肉奴婢同犯只罪家長主者不知情只罪 戶酒戶東私與場官院官買賣同犯例論凡鹽麴同情 鄉村所請蠶鹽只自充用不得將入城邑村坊博易貨賣 麴並須官場官務若衷私與販同犯鹽麴例論官場官務 如違同犯鹽論所請醬鹽處道路津鎮須驗公憑凡賣鹽 秤之定罪顆鹽末鹽各有界分如界分相侵同犯鹽罪 有美餘鹽麴並盡底納官如輒將貨賣同犯鹽麴論凡鹽 役三年一斤已上杖死之若捉獲蘇土及水煎成鹽 役三年五斤已上杖死之煎嫌鹽犯一斤已下杖脊二 坑全唐文 卷百三

聞 文不死罪賞三十千文以本處係省錢充故斟酌輕重立 據人戶合請數都計於俵場請數點檢入城不得因便帶 欽定全唐文人卷百三 分說勿令逐處都請凡鹽麴鹽嫌隨處地分節級專切捉 入其郭下戶或城外有莊田合並戶稅者亦本處官預前 造意者其餘減等凡城郭人戶係屋稅鹽並於城內請 外縣鎮郭下人戶亦許將所請鹽歸家供食即本部官 科條宜令三司施行其中有合指揮件目隨事處分以 如透漏必重科斷其告犯鹽麴人死罪者賞錢五十千 周太祖

朝 義宜令樂院使黃知筠往兗州收暴露骸骨於高地為 兗 則 埋葬祭奠以 非允當須議改更宜令應州縣官所招添到戶口 傷於容易啟僥倖之門漢朝則過於艱難妨進趨之路 勒 廷命官分治州縣至於招安戶口增益稅租明立賞科 州自逆臣盜據多有殺傷永惟葬朽之仁式示掩骸 勤吏近朝釐革雖有動文俱未適中難仍舊貫晉代 更定招安戶口賞例勒 令黄知筠往兗州收埋暴骨勅 聞

减 其漢乾祐三年七月二十五日勒不行起今後應罷縣令 钦定全害文人卷百三三 增添戶及租稅並須分明於歷子解由內錄都數若是減 每四百戸減一 者與轉官其主簿與加階轉官 及三選巴上更有增添及戸數者縣令與改服色已賜絲 自今日已前罷任者並準天福八年三月十一 主簿招添到戸口其一千戸巴下縣每增添滿二百戸者 選三千戸已下縣每三百戸城一選五千戸已下縣 定皮革稅勅 選萬戶已下縣每五百戶城一選並所有 周太祖 t 一日勅施行

黄牛納乾筋四 人戸苗畝上配定每秋夏苗共十頃納連角牛皮 中更不禁斷並許私家供使買賣只不得將出化外 所納牛皮令將逐年所納數三分内減故二分其一 以之生事好猾得以侵漁宜立新規用革前弊應 本州送納所司不得邀難所有牛馬騾皮筋角今後 助成軍器就中皮革尤峻科刑 已來用兵不息至於繕治甲胄未免配役生靈取 仰關津界首子細覺察捕捉所犯人必加深罪 兩水牛半斤犢皮不在納限其皮人 稍犯嚴條皆抵

處分庶免編民犯禁且使人戸資家既便公私用除苛弊分擘納黃牛水牛皮筋處其間有未盡事件委所司取便縣先置巡簡牛皮節級及朝廷先降條法一切停廢其合 欽定全唐文人卷百三三 周太祖 丸

大百日日 八十十二日 新定全唐文卷一百二十四目錄 慮囚勅 宣慰麟州刺史楊仲訓勅賜青州勃 命以天下縣戶口定望緊上中下次第勃嚴究落第舉人騰諺並不得受薦託勅 禁習天文圖緯諸書勃 令州縣軍鎮各守職分勒 目錄

金五百月八八卷三百 與超鳳自盡物 東空州大赦文 中兖州大赦文 上漢太后牋 上漢太后牋 上漢太后牋

てここまでして、でここう 目録		令所司備南郊儀注札	幸兗州札	賜鄴都副留守陳光穂詔書	答北京留守劉崇書
in the second se				哲	

切務除疾苦俾遂蘇舒據知州閤門使張凝近奏陳八事勃青州在城及諸縣鎮鄉村人戸等朕臨御已來安民是 於人不便積久相承宜降 紫草菜靛麻等據時估納錢折絲絹亦不得其係官桑土 次定全害文·卷百百百 周太祖 槽兩務所管課利斛斗錢物人戶牛具屯官等宜並 州縣官舊額稅 賜青州勅 <u>--</u> 百二十四 課其務及職員並發其課額內有紅花 周太和 指 揮並從改正其 屬州營 割

省司品配不在此限其二省司元納夏秋稅匹段每匹 以零尺納錢其匹並須本色不得邀納價錢改換色目 進 别無配率今後青州所管州縣並依省司則 錢每貫七錢絲綿 止其秋夏納 一斗八錢蒿草每十束耗一束錢五分鞋每兩一錢 配柴炭今後並止絕其四州司每年配和買稈草 無輕恕其三劉錄在任時於苗畝上每畝徵車 物並賜見個人為永業其城郭内宅舎房店奏 稅匹段不成端匹者許人戶合端匹不 細線每十 兩納耗半兩糧食每石 例供輸 此

苦營草今後並止絕如有關三司指揮其五所徵 钦定全唐文 卷百二百 止絕稅無欠少不得追集縣吏已前事件已降宣命舊例州縣供納夏秋租稅皆畢須追人吏到州勘會令後據州合用多少量於近縣配納不得遍據諸縣 紫草今後並止絕不得配率又州司於夏苗上配納麥 其七州司配徵啖馬藥 鞋 分配縣鎮今後並止絕要即於州司公用錢內支納脚錢今後止絕其六別徵進奏院糧課錢及遞 郡 淄登萊等州如有前項舊弊亦依青州例施 周太祖 及汎配藥又縣鎮科配石炭

示撫安用獎忠順巴指揮州府及諸蕃部不令進攻汝等哀告蕃鄰欲謀歸向備覩愛通之意特用宏納之仁 妖孽之脅從致朝貢之阻絕今則蓄部兵民助我討違汝侵迫乞垂救解兼已稱大朝正朔并門逆命邊郡無歸值 人守禦不得通人來往凡有公事一一奏取朝廷指揮便宜明宣朝旨告諭軍民應是通河東道路口岸畫時 舞殷奏得汝等狀稱劉崇拒命聖朝堅其逆壘今被部族 州刺史楊仲訓及軍州將吏職員等據夏州節度使 宣慰麟州刺史楊 神訓動 仁宜

病而無所控告以罪當刑者唯彼自召法不可移非理受慮其非所案鞫淹延或枉濫窮屈而未得伸宣或飢渴疾 朕以時當化育氣屬炎蒸乃思縲絏之人是軫哀矜之念 府見緊罪人宜令官吏疾速推鞫據經遣斷不得淹滞 苦者為上不明安得無慮欽恤之道夙宵靡寧應諸道 官員將校職掌一切依舊仍分析名衙申奏當議等第加 令獄吏灑掃牢獄常令虚歇滌洗枷械無令蚤虱供給水 恩兼之酬賞 慮囚勅 周太祖

所管州縣軍鎮頃因唐末藩鎮殊風久歷歲時未能釐華區外不相踰越或侵職分是紊規絕切慮所在職員尚循賦稅婚田比來州縣之職盜賊煙火元係巡鎮之司各有 滞以致和平 工診候勿致病亡循典法之成規順長嬴之時令俾無淹漿無令飢渴如有疾患令其家人看承囚人無主官差醫 政途不一何以教民其婚田爭訟賦稅丁徭合是令佐之 多片全厚文一卷一百古 令州縣軍鎮各守職分勒

律條止兹誕妄久疎法網是啟奴訛自今後元象品物 徵軍將下縣底期靜辨無使煩勞 職分專切提撕如所職疎遺各行按責其州府不得差監 職其擒奸捕盜庇護部民合是軍鎮警察之職今後各守 私傳習見有者並須焚毀司天臺翰林院本司職員不 辰象元遠罕克精研衍數幽深縣難窮究則有間間之內 文圖書藏 祝之流粗學陰陽務求衣食妄談休咎以許民氓比 禁習天文圖緯諸書勍 記七曜歷太一雷公式法等私家不合有及衷 周太祖 9

欽 藝能素淺履行無間來造科場要求僥倖及當試落便起 怨嗟謗議沸騰是非蜂起至有偽造制助之語扇感婚流 國家開仕進之路設儒學之科較業論才登賢舉俊其或 以前件所禁文書出外借人傳寫其諸時日五行占筮之 巧為誣毀之言隱藏名姓以兹取事得非薄徒宜立憲章 定全唐文、港面話 不得東私示外如違準律科斷過下諸道州府各令告 不得禁限其年悉日須候本司算造奏定方得雕 嚴究落第舉人騰謗並不得受薦託勃 印 所

勢援潛求薦託俯拾科名致使孤寒滯於進取起今後主 無名文字訓毀主司如有故違必行嚴斷本司鏁循後 京給解 得就試今後舉人須取本鄉貫文解若鄉貫阻隔祗許 史臺開封府所差守當人專切覺察其有不自苦幸祗憑 雖當點落並許訴陳祗不得於街市省門故為喧競及投 以示澄汰其禮部貢院條奏宜依仍於引試之時精詳考 ウミンコチェンデールコーコー 逐場去留無藝者雖應年深不得饒情場數若有藝者 不得受薦託書題如有書題密具姓名聞奏其舉人不 周太祖 御 兩

據今年天下縣戶口數定望緊上中下次第聞奏 繁庶之民宜立成規庶叶公共應天下縣除赤縣畿縣次 赤次畿外其餘三千戸已上為望縣二千戸已上為緊縣 不便銓衡及有久歷官途却授監被之縣纔昇仕進便臨 有戶口雖衆地望則甲地望雖高而戶口至少每至調集 多好全俸文·卷百三古 天下縣邑素有等差歷年月以既深或增損之不一其中 千戸已上為上縣五百戸已上為中縣不滿五百戸為 下縣選人資紋合入下縣者今許入中下縣宜令所司 命以天下縣戶口定望緊上中下次第勃

夏德既衰爰啟有商之祚炎風不競肇開皇魏之基朕早 欽定全唐文《卷百三古 事前朝久居重位受遺輔政敢忘伊霍之忠仗鐵臨戎復 尤甚奪部民之妻女率州戶之資財招納賊徒騷擾生聚 凶暴沿淮巡寇當年之殘忍難名近郡須條在任之貪虐 趙鳳驟承委寄合稟憲章臨民不力於撫綏率性但聞於 自古受命之君與邦建統莫不上符天意下順人心是以 爾不奉法國有常刑其趙鳳宜削奪在身官爵賜自盡 即位赦文 趙鳳自盡勅 周太祖

改元建號祗率於舊章革故鼎新宜覃於霈澤朕本姬 中外勸進方嶽推崇追勉雖順於羣心臨御實慙於凉德 忽變朕以衆庶所迫逃避無縣扶擁至京尊戴為主重以 罪於九衢幸安區宇將延漢祚擇立劉宗徵命已行軍情 傾朕方在藩維亦遭讒構逃一生於萬死徑赴闕庭梟四 憂少息內思俄生羣小連謀大臣遇害棟梁既壞社稷 於岐雍竟平大熟粗立微勞纔旋佈於關西尋統兵於河 委韓彭之任匪躬盡瘁焦思勞心討叛渙於河潼張聲援 訓齊師旅固護邊陲只將身許國家不以賊遺君父外

為廣順元年自正月五日昧爽已前應天下見禁人等罪 之遠裔號权之後見積慶累功格天光表盛德既延於百 欽定全唐文人卷百百百 赦除之故漢樞密使楊邠侍衛都指揮使史宏肇三司使 無輕重已發覺未發覺已結正未結正常赦所不原者成 世大命復集於則躬今建國宜以大周為號改乾祐四年 路憤結重泉雖尋雪於沈冤宜更申於渥澤並可加等追 贈備禮歸葬喪事官給仍訪子孫敘用其餘同遭枉害者 亦與追贈馬步諸軍將士等勠力協誠輸忠效義先則戡 王章等以勞定國盡節致君干載逢時一旦同命悲感行 周太租

銖 守貞王景崇趙思維賓幕元隨親戚及諸色人先因懼 灰骨肉先已釋罪疏放其逐人所有親戚及門客元隨職 至今逃匿者並可放還任自取便非者犯罪人蘇逢吉劉 别與改賜應左降官量加紋錄亡官失爵之人宜與齒 等各與等第超加思命仍賜功臣名號已有功臣名號 間晉卿李業後賛聶文進郭允明及同時犯罪人等家 流徒役人並許放還已残者任從歸葬所有杜仲威李 内難後乃推戴朕躬言念熟勞所宜旌賞其員僚將 在諸處者切慮尚抱憂疑今並釋放所在不得更有恐

欽定全唐文、卷一百百百 者復罪如初内外文武臣係致仕官諸軍將校隨使職員 内諸司使諸道行軍副使藩方馬步軍都指揮使如父母 所縣節級不得東私妄有恐動如赦到後一月不歸本業 揮使前資行軍副使等各與等第加恩應見任文武臣僚 自 在未有思澤者即與思澤如亡殁未曾追封贈者亦與封 動內有手下先管莊田錢穀人等已下三司點簡磨勘 新一切不問各還鄉里自務營生仍仰所在切加安卸 任逐便諸處有犯罪逃亡之人及山林草寇等咸許 任藩侯郡守文武朝列前内諸司使副使前禁軍 周太祖

稅物並與除放仍委逐處長吏倍加存無至於防守邊 庶瘡痍鰥寡孤悼不能自濟為人父母曾不閱傷應天一 州縣所欠乾祐元年二年已前夏秋殘稅及派徵物色 三年夏稅諸色殘欠並與除放所有澶州已來大軍經過 )時沿路人戸恐有蹂踐兩邊共二十里并乾祐三年 秋稅並放應河北沿邊州縣自去年九月後來曾經契 **卹痰羸利害之事各宜條奏自前或有拒扞契丹顯立** 踩踐處其人戶應欠乾祐三年終已前積年殘欠諸色 已封贈者更與封贈晉漢以來兵革屢動賦役煩併黎

係三司主持錢穀敗闕場院官取乾祐元年終已前徵 秋 外累經較科灼然無抵當者委三司分析聞奏別候指揮 歸復兼知逃戶稅賦攤配居人公私之間未甚尤當念其 省限內納畢不任促限徵督如是軍期急速即不拘此例 逼 功勞及將吏之中有残於王事者具名以聞當議 とこうこれ 一川 一川 コーコリ 訪聞諸處人戶逃移在外者自前省司雖累行招攜多未 城過深轉致供輸不易至使蠶欲老而求絲債禾未熟 夏徵科舊有規制如聞諸道州府别立近限催驅或緣 取穀錢但無逋懸何須急暴應天下百姓納稅租並取 周太祖 納

處倉場庫務宜令節度使刺史專切鈴轄掌納官吏一依 省條指揮不得别納斗餘秤耗舊來所進羨餘物色今後 物不得過為華飾官聞器用並從樸素太官常膳一切減 寄任非輕立政之先養民為本每及徵賦尤要徇公其逐 歸 國家多事帑藏甚虚將緩憂勞所宜省約應乘與服御之 疾苦常軫於懷宜令所司商量別行條貫庶使逃移者即 金定全律文一卷一百一古 一切停罷朕早在藩鎮當戒者華今御寰區尤思節儉況 諸道所有進奉皆助軍國支費其珍巧纖華及奇禽異 鄉土見居者漸遂舒蘇免因生靈以副勤恤藩侯郡守

庶臻中道今後應犯盜贓及和姦者並依晉天福元年 猛則姦凶難制及知勸之後在寬則與憲得宜相時而行 停罷帝王之道德化為先崇飾虚名朕所不取苟致治 獸鷹犬之類不得輕有貢獻諸無用之物不急之務並宜 自可慎擇委任必當克效參神朝廷選差理或未當宜 籍没家產誅及骨肉一依格令處分天下諸侯皆有親 前條制施行應諸犯罪人等除反逆罪外其餘罪並不 未治雖多瑞以奚為今後諸道所有祥瑞不得輒有奏獻 次定全害文 卷百点 古者用刑本期止辟今兹作法義切禁非蓋承弊之時非 周太祖 校得

須豐潔庶達精誠科或不恭國有常典近代帝王所在陵 自前祠祭牢饌頗虧肅敬今後委監察御史嚴加覺察必 速疾舉行國之大事在祀為先若爽吉蠲深為瀆慢如 具存安可廢墜如聞自前諸司公事多有壅滞今後並可 並須各歸局分不得越次施行朝廷之務顯有舊章職官 設官分職具列司存離局侵權誠為撓紊今後諸司公事 前失庶協通規其先於在京諸司差軍將充諸州郡元從 押牙孔目官內知客等並可停廢仍勒却還舊處職役 合禁樵採俾奉神靈唐莊宗晉高租各置守陵十戶以 聞

治道者許非時上章聞達山林草澤之閒懷才抱器之士達聰明目其在兹乎應內外文武臣寮有見識灼然盆於 誇之木采豹毙之言時之利病罔不知政之得失無不察 饗並守陵人戸等一切如故仍以晉漢之裔為二王後 近陵人戶充漢高祖皇帝陵署職員及守陵官人時月薦 中書門下處分自古聖帝明王莫不好賢納諫是以立誹 切在搜訪免致遺賢孝子順孫義夫節婦所宜在表 無以示四方其或言出行違 風於戲致理保邦非德教無以安萬國發號施令非 **利太姐** 朝行暮改是為秕政何 勵

子民更賴棟梁羽翼之臣左右前後之士共扶寡昧同致 在昔哲王承天育物莫不內修庶政外撫諸侯推誠以待 釐革有所未盡者有司具敬請以 人人皆自信虚已以馭下下無弗從是以車書大同草 雅熙思真器以永安覩覆車之可戒納隍馭朽子豈忘諸 定全唐文《卷百二西 )斯淺於德未章致其毒螫之凶為我生靈之患逆賊 側微 動植遂和平之性蒸黎絕愁嘆之聲朕以眇躬畏承 平兗州大赦 自效當從軍旅之中億兆所推獲託王公之 文 聞

旋盪穢滌瑕一境宜覃於霈澤可赦兗州管內取五月二 討伐之師朕非暫御戎車來巡軍寨親雞貅之買勇慎蛇 亡命剽劫隣封繕甲治兵深溝高壘旣顯悖違之狀須興 萬姓傷殘乃杼軸其空盜橫一州嚴酷如爐炭之上招 慕容彦超興臺賤類關茸微人愿郡牧而至藩侯扇貪 豕以為妖成請先登不容假息士怒未洩逆聖俄平盗 北 而彰惡迹泊予臨取無閒緩懷而乃顕越不恭姦邪是恣 巴涸其源流惡草盡除其滋蔓班師振旅六軍方樂於 則結連戎虜南則臣事准夷每與劉崇潜通人使剖 **周太祖** 割

身抵法之後却有懲疑宜令所在州縣明行告諭並釋 逆黨人等於諸處有骨肉者先已指揮放罪招安尚慮本 毒同黨濟姦國有常刑皆合顯戮特示好生之道很寬連 欽定全唐文 卷一百二古 違背已來鄉 十七日見禁罪人及未發覺者大辟以下並赦除元凶流 問克州城内幕職及州縣官吏軍府将校令並放罪其 之誅應曾與慕容彦超同惡之人逃避潜藏者並與釋 仰於所在自出陳首百日不首者獲罪如初應已伏誅 州使兩院職役人本城軍都並勒仍舊自慕容彦超 州 山寨豪強人等接便為非劫掠擄殺今因

蘇舒應克州城内所有徵取今年屋稅及蠶食鹽鐵諸 收復並與洗滌一切不問外諸軍將士等勇於為主奮 欠日白声しくれについり 五里外十里内除放今年夏苗子三分中减放一分升克 毀今年夏稅苗子蠶食鹽鐵並諸雜沿徵錢物並與除 頭以上皆與贈官職賊據一城民殘四境或散毀其牆 顧身所有沒於王事者各等第給布絹仍以本人半分衣 蹂躪其田轉築於徵取供軍點集應役並宜於恤伊 與本家一年有親子者官中並與收錄安排自軍使都 物並與除放城外官軍下寨處四面去州城五里內 周太祖

莱蕪監所抽點到諸縣義軍巴各指揮放散今後更不得 喪亡致人殁身在朕深念諸州差别人夫内有遭矢石身 庫物充仍放下三年諸雜差遣勒本縣給與文帖其部 死者宜令逐州縣分析姓名聞奏官中各給絹三匹以省 給賜村木重令蓋造攻取城池須資力役旣臨矢石或致 州城内百姓被慕容彦超閉門已來無辜殺害者宜令本 夫州縣官等到城下施功者據勞役日月等第加減選 所有被毀拆却舍屋極多及收城之時延火燒熱官中 万白月了一大一下 存恤其家其被殺官員宜令本州官具錄奏聞當行思

管係名額其權充都將節級者亦不得此後於鄉村內 次定全唐文一卷百五 安告爾魯人成體兹意 有稱呼於戲夏為長嬴勞軍民以從役聖職教化用干戈 次重次之差歷朝張弛繁不具引自唐祖混一函夏太宗 而翦凶惟予不明增愧於是尚賴穹是之祐漸期寰海之 四者何先殊途同治或因或革各適所宜故五帝殊時 王者以禮御人倫以樂和天地以兵柔萬國以刑齊兆民 .襲禮三王異世不相沿樂兵有務戰不戰之異刑有 策禮樂兵刑問 周太祖 占

器羽旄干戚之容歌其政舞其德與夫文音武坐比崇昔 薰歌燼滅歷年滋多焦思勞神觀效未著予欲父慈子孝 用何理副兹虚懷予欲六律六吕七政九麼金石絲竹 兄友弟恭君仁臣忠夫義婦聽聲明文物無其缺祝嘏辭 天寶之後國經混然禮樂湮墜而衆不知兵刑煩擾而 而臣道咸順刑措而民心不渝五帝三王不足尚也越 不畏朱梁晉漢皆用因仍泊我朝開創以來力務興振 必有序萬儀成秩百神受職家肥國肥知禮之尊也當 成聖功言其禮則三正有常言其樂則七宗有秩兵息 自

思方若魏武帝之登柳塞則六師所至供億無窮衆與民混同天下親征未服手振金鼓跋履山川如商高宗之伐 具彼魁革面王塗無所比隔方貢自來駿奔更思爾謀以交尸塞路暴骨盈野終歲如是得無憫然何以令佳兵不 勞 城春思新之役無三居五宅之流畫衣冠而不犯虚图 逮 天和地平知樂之崇也子當深辨其理為時陳之子欲 定全唐文卷百百百 明略予欲斧鉞不用刀鋸不與桎梏朽蠹無所設施無 自古皆惧若但任偏將屯於邊鄙縱兵時入站食居 不入措刑之理何以致諸子大夫博義洽聞窮微觀與 周太祖 主 圕

**鄴中** 軍不肯行刑逼臣赴闕令臣請罪上前仍言致有此事必 國敢有他圖今奉詔命忽令郭崇等殺臣即時俟死而諸 提筆既干於奇遇撞鐘必應於嘉音抱屈將伸直言勿隱 昨為兵士擁至河上言京中誅史宏肇等盡非聖意請陛 臣發迹寒賤遭遇聖朝旣富且貴實過平生之望唯思報 下密詔內班擒縛李業等送至澶州詔諭兵士臣即却歸 則雪將相之深冤一則安陛下之家國 澶州上漢帝疏 請擒縛李業等疏

無恨今託鸞脫附奏以聞實有諧臣者乞陛下縛送軍前以快三軍之意則臣雖死五日當及關朝陛下若以臣有欺天之罪臣豈敢惜死若 とことに 田りと、 大二十二日 其位難虚軍國事多早宜冊立嗣君以係人望伏請太后 昨者左右熒惑與駕着皇歸關師徒未免攜動帝王出令 行教令指揮 是陛下. 上漢太后牋 請册立嗣君疏 左右諸臣耳今駕脫至此天假其便得伸臣心三 周太祖 <u>-</u>

接官軍上城者若是將校員察只與超拜官資兼授刺史 誠信雖有章奏尚未開門既無果決之心必是疑君之計 今以指揮王彦超排比大軍攻討汝等若能誅斬元惡應 昨以輩廷美楊温等不認朝旨妄蓄疑心累令招攜明示 福難事與願違方擇當壁之賢又爽大橫之兆永言膝下臣事先帝過承君父之恩及奉嗣君願竭腹心之效豈期 事太后為慈母悃款之至祈聽增深 何慰慈顏望太后以宗子待微臣臣敢不奉宗廟如本朝 金与白月丁岩下 諭徐州城内軍民書

請安心若能同力扶持別無顧慮即當便封王爵永鎮 於定全唐文《卷百百百 必想具言而況遐邇所聞在後盡當知悉湘陰公比在宋 朕在澶州之時軍情推戴之際先差來直省李光美備見 百姓即給厚賞穩便安排但收此絹書以為憑信 汝澶湖停職之時值漢室釁生之際潜齊密旨將陷朕 門鐵昇丹書必無愛惜其諸情素並令來人口宣 駐泊見令般取赴京但勿憂疑必令得所唯公在彼 答北京留守劉崇書 賜鄴都副留守陳光穗詔書 周太祖 固

虚雖然遂性念將士之勤苦寧免疾心暫自省巡往申慰 方屬受蒸正勞師旅朕恭臨萬國深居九重處官闕之清 道未宏每嫌朕懷仍宣公論宜膺列郡用賞前功今授汝 昨以慕容彦超遠負國朝閉據城壘尚稽顯戮未快羣情 況非遠路不至甚勞凡我臣察當體兹意朕取五月五 州刺史 走之勤勞徑自河壩報於鄴下忠孝之規迎著旌酬之 明不祐於包藏機事尋當於發露汝稟熟賢之指使效 幸兗州札

欽定全唐文/卷一百二十四 供頓並取係省錢物準備差使臣勾當仍預告報一路 色人於路途店肆買所須什物先還價錢兩京留守百官 前排比如裏私有人小小取索並不得應付或軍都及諸 只於遞中附表起居時熱不用差官至行在所沿路指揮 日進發離京赴克州城下慰勞行營將士沿路側近節 樂團練使刺史不得雜本州府來赴朝覲其隨駕一行 並不得别有排比其隨從臣寮內外諸司官中已有供 指揮備辦如闕少之時候見宣命即行供應只不得預 州縣亦不得别有破費祗供其要載動用什物車乘亦 周太祖

典夙宵愧畏不敢追寧宜叶著龜式陳邊豆庶展吉蠲之 郊宜令所司各備儀注務從省約無致勞煩凡有供需并 心下土時已歷於三載漸至小康禮未展於二儀深虧 於泰壇用昭乾德壓玉於方澤以答坤靈朕受命上元宅 用官物府縣不得因便差配諸道州府不得以進奉南郊 事件車駕週日亦依此施行 王者應運開基子民育物用不承天事地等祖敬宗燔柴 用傾昭事之誠朕以來年正月一日於東京有事於南 令所司備南郊儀注礼

		and the state of t		
欽				為
<b>定</b> 全		; 	 	1   1   1   1   1   1   1   1   1   1
唐				有
		serve y s <sub>ee</sub>		学
卷				庶
欽定全唐文《卷一百一古				為名朝有率效庶俾嚴靜以奉郊裡中外
			:	静
月 大 祖				基
				郊
				1 1
克				臣家
				寮當體
		•		體一不
				意